

# Faida na vidokezo vya upunguzaji wa miti

Upunguzaji wa miti ni mchakato wa kuchagua na kuondoa miti msituni.

Upunguzaji wa miti ni muhimu katika usimamizi wa misitu. Hata hivyo, ni muhimu kujua kwa nini kitendo hicho hufanywa na mambo yanayoathiri uchaguzi wa miti itakayokatwa. Wakati msitu wako hauna mimea mingine ardhini, inashauriwa upunguze miti kwaani huku kunamaanisha kuwa matawi ni manene sana na hayaruhusi mwanga wa jua kupenya.

## Wakati sahihi wa kupunguza miti

Ikiwa kuna miti ambayo ina mashina madogo na matawi machache, inashauriwa uikate. Unaweza pia kutembea kwenye msitu wako huku ukipima vipenyo vya mashina ili kujua iwapo msitu wako ni mnene. Vipimo hivyo vinaweza kulinganishwa na vipimo maalum vilivyotolewa katika machapisho ya ugani wa misitu. Miti inaweza kukuzwa kati ya miaka 10 hadi 15 na kisha yote hukatwa mara moja, au ukaguzi wa mara kwa mara unaweza kufanywa ili kuondoa miti iliyoharibika na isiyoweza kuuzwa.

Kanuni ya jumla wakati unapunguza miti ni kwamba uondoe miti nyembamba na kuacha miti mikubwa kwa sababu miti mikubwa huchukuliwa kuwa na afya zaidi kuliko miti nyembamba.

# Umuhimu wa kupunguza miti

Kupunguza miti hutoa nafasi ya kutosha na virutubishi ambavyo husababisha ukuaji bora wa miti iliyobaki.

Huongeza upenyaji wa mwanga wa jua ambao huhimiza ukuaji wa mimea zaidi ardhini mwa msitu, na hivyo kuongeza anuai kadhaa za mfumo ikolojia.

Kupunguza miti huunda msitu wenye afya na kuboresha makazi ya wanyamapori.